

Vnd sint zu bringen nit dar von
Will ich still schwygend für sie gon
Vnd sie lon jnn jr narrheit bliben
Vnd von jr dorheyt wenig schriben
Als Saracenen / Türcken / Heyden
All die vom glauben sint gescheyden
Den glich ich ouch / die Käzer schul
Sie haltt zu Prag / den narren stul
Vnd hat gespreit vß jren standt
Das sie ouch hat yetz Märrhern landt
Sie wüst jnn die narren kappen trettē
Glich wie all die anders an betten
Dann dry person / eyn woren gott
Den vnser gloub ist wie eyn spott
Sie ich nit für schlecht narren han
Sie müssen vff der kappen stan
Dann jr narrheyt so öfflich ist
Das yedem dūch zur kappen gbrist
Des glich all die verzweifelt hant
Vnd sint verstrickt jnns tūfels bandt
Als doreht frowen / böse wiber
All kuppeleryn / pfowentriber
Vnd andere die jn sünden synt
Vnd jnn jr narrheyt ganz erblynt
So mit will ich ouch deren gedencken
Die sich selbs dōten / oder hēcken /
Vnd kynd vertūnt / vnd die ettrencken
Sie sint nit würdig der gesatz
Oder das man sie ler / vnd fatz
Doch ghören sie jnn narren zal
Jr narrheyt gibt jnn kappen all



Amaz